

Nossa raspada



*Güvla, pür güvla, tü figlia da Zion!
Giubilescha, figlia da Gerusalem!
Mera, teis rai vain pro tai;
güst e salvader ais el,
ümil, muntà sün ün asen,
sün ün puleder dad asna.
(Sach 9,9)*

Allegra!

Co spettain nus il Salvader?
Eir scha l'asen tocca ferm pro
noss'imaginaziun da l'istorgia
da Nadal e seis muond, nun es
quai propcha il scopo da mia du-
monda. Co e perche brama nos
muond spendranza? E co pu-
daina sentir alch da la forza da
Nadal in nos minchadi? – Bler po
interrumper eir nos cuors da vita,
til squassar tras o ans confrun-
tar cun gronds segns da dumon-
da: La said davo güstia, libertà
e pasch es in bleras regiuns da
quist muond gronda, il bsögn per
amur, sen e perspectivas nu vain
adüna accumpli.

Uschè am giavüscha in quist
temp d'Advent pitschens segns
da spranza: inscunters chi dan
perdüttanza da bainvuglientscha,
buntà ed amicizcha, musica chi
cufforta e chi allegra nos cours e
la buna nouva cha Dieu es cun
nus.

**Bellas Festas giavüscha
Vos rav. Christoph Reutlinger.**

Pravenda evangelica
7559 Tschlin
tel. 081 866 32 63
www.valsot-ref.ch

Cults divins december 2025

Dumengia, ils 7 december: seguond Advent

11:00 Strada (davo il cult divin segua il giantar
d'attempats d'Advent)
vicara Romana Giossi

Dumengia, ils 14 december: terz Advent

09:30 Ramosch
11:00 Tschlin
rav. Christoph Reutlinger

Vigilia da Nadal, ils 24 december

17:00 Ramosch
19:00 Strada
21:00 Tschlin (cul cor masdà Tschlin)
rav. Christoph Reutlinger

Nadal, ils 25 december

(cun Soncha tschaina)
09:30 Ramosch (cul cor masdà Valsot)
11:00 Strada (cul cor masdà Valsot)
17:00 Samignun
vicara Romana Giossi

Firà da Nadal, ils 26 december

(cun Soncha tschaina)
09:30 Vnà
11:00 Tschlin
rav. Christoph Reutlinger

Silvester, ils 31 december

17:00 Martina
19:00 Vnà (cult divin da Nadal)
21:00 Tschlin (culla società da musica Tschlin)
rav. Christoph Reutlinger

Volver, per plaschair!

Giantar cumünaivel a San Niclà

i'l café sper l'En

Mercurdi, ils 17 december a partir da las 12:00.

Per plaschair s'annunzchar pro Cilgia Etter: 079 530 70 58

Giantar d'attempats a Strada

in chasa da scoula, **als 7 december 2025** a partir da las 12:00

Tuots sun cordialmaing invidats a giantar e passantar ün bel mumaint da cumpagnia la dumengia dal seguond Advent.

Per plaschair s'annunzchar pro Maria Pardeller (081 866 37 74) fin lündeschi als 1. december.

Nus ans allegrain sün üna numerosa cumparsa!

Chant avert d'Advent

in baselgia Sonch Flurin a Ramosch

Mercurdi, ils 10 december a partir da las 20:00.

Nus chantain las plü bellas chanzuns d'Advent e da Nadal da nos coral.

Nus ans allegrain sün blers chantadurs e bleras chantaduras!

Tanter anzas e plets – temp in cumpagnia

Üna jada al mais ans inscuntraina venderdi davomezdi per baiver café e far lavurs a man: far cul spaits, rechamar, far cul crötsch o simplamaing esser da la partida e giodair la cumpagnia. Nus ans piglia in temp: per anzas quietas, buns discuors e per star pachific.

Tuots sun bainvgnüts – cun o sainza lana.

Venderdi, ils 12 december 2025, a las 14:30 ill'ustaria Tschlin

I fa bain a far lavurs a man in cumpagnia

Ingio cha duos o trais sun radunats in meis nom, là sun eu immez tanter els. (Mt 18,20)

Cur ch'eu fetsch cul spaits, as driva ün spazi chi'm fa bain: Ils mans chattan lur ritem. Il cheu vain plü quiet. Cur ch'eu fetsch cul spaits in cumpagnia, capita il medem: Discuors dvaintan plü leivs, eir taschair ha seis lö, ingün nun ha da prestar alch. Eu das-ch simplamaing esser. Per mai ha quai ün aspet spiritual: Dieu m'inscuntra suvent in chosas simplas, uschè eir in fils ed anzas, in pitschens gests ed i'l temp chi's po star da cumpagnia.

Forsa esa precis quista simplicità, illa quala crescha cumünanza – simplamaing, perche cha nus eschan quia.

Eu m'allegri!

/vicara Romana Giossi